

皇朝經世文續編



皇朝經世文續編卷八十五目錄

刑政二律例上

籌議嚴禁鴉片章程疏附總論並戒烟方

重禁吸烟以杜弊源片

對用刑說

修例宜慎

平反冤獄

請飭刑部增改條例疏

服制命案例無明文請飭議專條疏

剝船盜米案酌擬變通辦法疏

情輕盜犯請飭部申明舊例疏

請另立專條嚴辦闖匪疏

請懲辦南山匪徒疏

林則徐

林則徐

管同

宋邦德

宋邦德

王憲成

錢寶廉

孫毓汶

鄭訓承

張之洞

葉伯英

刑政二律例上

林則徐

籌議嚴禁鴉片章程疏

本年五月初二日准兵部火票遞到刑部咨開道光十八年閏四月初十日 上諭黃爵滋奏請嚴塞漏卮以培國本一摺著盛京吉林黑龍江將軍直省各督撫各抒所見妥議章程迅速具奏摺併發欽此臣查原奏內稱近來銀價遞增每銀一兩易制錢一千六百有零非耗銀於內地實漏銀於外夷自鴉片烟流入中國其初不過統袴子弟習為浮靡嗣後上自官府縉紳下至工商優隸以及婦女僧尼道士隨在吸食廣東每年漏銀漸至三千餘萬兩合之各省又數千萬兩耗銀之多由於販烟之盛販烟之盛由於食烟之眾今欲加重罪名必先重治吸食請 皇上嚴降諭旨自今年某月日起至明年某月日止准給一年限期若一年以後仍然吸食是不奉法之亂民罪以死論等語臣伏思鴉片流毒於中國紋銀潛耗於外洋凡在臣工誰不切齒是以歷年條奏不啻發言盈廷而獨於吸食之人未有請用大辟者一則 大清律例早有明條近復將不供與販姓名者由杖加徒已屬從重若徑坐死罪是與十惡無所區別即於五刑恐未協中一則以犯者太多有不可勝誅之勢若議刑過重則弄法滋奸恐訐告誣攀賄縱索詐之風因而愈熾所以論死之說私相擬議者未嘗乏人而毅然上陳者獨有此奏然流毒至於已甚斷非常法之所能防力挽頹波非嚴戾濟茲蒙 諭旨飭議雖以臣之愚昧敢不竭慮籌維竊謂治獄者固宜準情罪已持其平而體 國者尤宜審時勢而權所重今鴉片之貽害於內地如病人經絡之間久為外邪纏擾常藥既不足以勝病則攻破之峻劑亦有時不能不用也夫鴉片非難於革而難於革心欲革玩法之心安得不立怵心之法況行法在一年以後而議法在一年以前轉移之機正艱諸此書所謂舊染汙俗咸與維新傳所謂火烈民畏故鮮死焉者似皆有合於大聖人辟以止辟之義斷不至與苛法同日而語也惟是吸烟之輩陷溺已深志氣無不情昏今日安知來日當夫嚴刑初設雖亦魄悚魂驚而轉思期限尚寬姑俟臨時再斷至期迫而又不不能驟斷則罹法者仍多故臣謂轉移之機即在此一年中必宜省大小官員共矢一心極力挽回間不容髮期於必收成效永絕澆風而此法乃不為贅設茲謹就臣管見所及擬具章程六條為我 皇上敬陳之 一烟具先宜收繳淨盡以絕鑊根也查吸烟之竹桿謂之槍其槍頭裝烟點火之具又須細泥澆成名曰烟尋凡新舊新斗皆不適口且癮難過必具素所習用之具有烟油漬乎其中者既久而愈實之雖骨肉不輕以相

讓此外零星器具不一而足然尚可以他具代之惟槍斗均難替代而斗比槍尤不可難遇無槍時以習用之斗配別樣烟桿猶或遷就一吸若無斗即煙無裝處而自不得不斷矣今須責成州縣盡力收繳槍斗視其距海疆之遠近與夫地方之衝僻戶口之繁約民俗之華樸由各大吏酌期定數責以起獲示以勸懲除新槍新斗聽該州縣自行毀碎不必稟計外凡漬油之槍斗皆須包封粘貼印花彙冊送省該省大吏當堂公同啓封毀碎無論此具或由搜獲或由首繳或由收見官許覈作州縣功過之數若地方繁庶而收繳寥寥者予撤參如能格外多收亦當分別獎勵 一此議定後各省應即出示勸令自新仍將一年之期劃分四限遞加罪名以免因循觀望也查重典之設原為斷吸起見果能人人斷吸亦又何求所謂以人治人改而止也各省奉文之後應由大吏發給告示徧行剴切曉諭自奉文之日起扣至三個月為初限如吸烟之人於限內改悔斷絕赴官投首者請照習教人首明出教之例准予免罪然投首非空言也必將家藏烟具幾副餘烟若干全行呈繳到官出具改悔自新毫無藏匿甘結加具族鄰保結立案報查如日後再犯或被告發或經訪聞拘訊得實加倍重辦其二三四限之內投首者雖不能概予免罪似亦可酌量減輕惟不投首者一經發覺即須加重蓋四時成歲三月成時氣候不高不久果知畏法儘可改圖若仍悠悠遷延再三自誤揆以誅心之律已非徒杖所可蔽辜除初限以內拏獲者仍照原例辦理外其初限以外四限以內未首之犯拏獲審定似應按月遞加一等至軍為止其中詳細條款並先後投首如何減等自後再犯如何懲辦之處均請 勒部覈議施行似此由寬而嚴由輕而重不肖之徒如再不知悔懼置諸死地誠不足惜矣 一開館與販以及製造烟具各罪名均應一體加重並分別勒限繳具自首以截其流也查開館本係死罪與販亦應遠戍近因吸食者多互相包庇以致被獲者轉少今吸烟既擬重刑若輩豈宜未減應請一體加重方昭平允但流俗已深亦宜予以自新之路請自奉文之日起開館者勒限一月將烟具烟土全繳到官准將原罪量減如係拏獲照原例辦理地方官於一月內辦出者無論或繳或拏均免從前失察處分倘逾限拏過期照新例加重自獲之員減等議處其與販之徒路有遠近或於新例尚未聞知不能概限一月投首應請酌限三個月內仍推行至何處准赴所在有司衙門繳烟免罪若逾限發覺亦應論死其繳到之烟土烟膏服同在城文武加用桐油立時燒化投灰江河匿者與犯同罪至製造烟具之人近日愈夥如烟槍固多用竹亦間有削木為之大抵皆烟袋鋪所製其槍頭則裹以金銀銅錫槍口亦飾以金玉角牙閩粵間又有一種甘蔗槍漆而飾之尤為若輩所重其烟斗自廣東來者以洋磁為上在內地製者以宜興為高其屢燒易裂也則亦包以銀錫而發藍點翠各極其工恐其屢吸易塞也則又通以鉄條而矛戟錐刀不一其狀手藝之人喜其易售奇技淫巧競相傳習雖照例懲辦而製造如故應

請概限奉文一月內將所製大小烟具全行繳官毀化免罪並諭烟家作坊瓦器窗戶以及金銀銅錫竹木牙漆各匠互相稽查如逾限不首及自後再製俱照新例重辦其裝成槍斗可用吸食者即須論死保甲知情不首與犯同罪 一失察處分宜先嚴於所近也文武屬員有犯該管上司於奉文三個月內查明舉發者均予免議逾限失察者分別議處其本署戚友家丁近在耳目之前斷無不知應勒限一個月查明若不能早令革除又不肯據實舉發即是有心庇匿除犯者加重治罪外應將庇匿之員即行革職本署書差有犯限三個月內查明懲辦逾限失察者分別降調 一地保牌頭甲長本有稽查奸宄之責凡有煙土煙膏煙具均應著令查起也挾仇訐告之風固難保其必無但能起獲贓證即已有據且起一件即少一害雖初行之時亦恐難免滋擾然凡事不能全無一弊若果吸烟者懼其滋擾而皆決意斷絕正不為無裨也至開館之房主及該地方保甲斷無不知之理若不舉發顯係包庇應與正犯同罪並將房屋入官 一審斷之法宜預講也此議定後除簡僻州縣犯者本少即有一二無難隨時審辦外若海疆商賈馬頭及通衢繁會之區吸食者不可勝數告發既多地方有司日不暇給即終日承審而片刻放鬆則應已過矣委人代看則弊已作矣是非問罪之難而定讞之難也要知吸烟之虛實原不在審問之熱熱一人與熱數人數十人其工夫一耳且專熱一人容或有弊多人同熱轉無可數譬如省會地方擇一公所稟提被控被拏之人委正印以上候補者一員往審足矣不必多員也臨審時恐其帶藥過廳則必先將身上按名嚴搜即熱點亦須敲碎然後點入封門如考棚之坐號各離尺許不准往來問官亦只准帶一丁兩役隨身伺候不許擅離自辰已以至子丑祇須靜對不必問供而有應之人情態已皆看出矣其審係虛証者何員所審即令何員出具切結倘日後別經發覺惟原審官是問以上六條就臣愚昧之見斟酌籌議未知當否理合繕摺具奏伏乞 皇上聖鑒訓示再臣十餘年來目擊鴉片烟流毒無窮心焉如焚久經採訪各種醫方配製藥料於禁戒吸烟之時即施藥以療之就中歷試歷驗者計有九方兩種飲方兩種謹繕另單恭呈 御覽可否頒行各省以資療治之處伏候 聖裁

附戒煙斷癮前後兩方總論

人之喉管有二食管以主飲食下達二腸氣管以主呼吸周通五臟氣管本屬清虛不受一粒半滴之物若物誤入其中即時咳逆必出之而後快而烟乃有氣無形之物故可吸入呼出往來於五臟雖其氣已去而其味仍留但人之所以得生者皆藉胃腸所納穀氣循環於經絡以培養其精神今食烟之人其臟肺憤得烟氣以剋穀氣故常人一日不食五穀則饑而餓食鴉片烟者視五穀猶可緩但對時不吸烟則癮而德無他正氣為邪氣所制也本草所載生烟即今之旱烟其氣辛故

止於入肺若鴉片則其性毒而淫其味濁而滯其色黑而入肝腎故一吸而能透於肉筋骨髓之中一呼又能達於肢體皮毛之抄偏身內外上下無處不到是以吸纔下咽自頂至踵均覺舒暢遂溺其中始則由漸而常繼則由常而熟至於熟矣內而臟腑經絡外而耳目手足皆必得此烟氣而後即安一旦無之腎先告乏故呵欠頻作肝因而困故涕淚交流肺病則痰涎並生心病則痿軟自汗必至是時而起者脾主信故也彼溺乎其中者至是而適受其困矣然溺而知戒不過困於一時弱而不戒則直徇以身命以烟氣剋穀氣引邪奪正其能久乎果其戒之並非難事癮之輕者與體之壯者即無藥方亦可斷絕茲專為受癮深而氣體弱者立前後兩方一曰忌酸丸一曰補正丸忌酸丸即以烟灰和藥為之緣初戒時不能遽絕故以灰代烟也重用附子者取其走而不守能通行一十二經也佐之以柴胡之左旋升麻之右旋沉香之直達下焦四者相合則徹乎上下表裏頃刻而能偏於一身矣顧吸烟之人中氣無不傷者中氣傷則氣不能化精而血衰故用參芪以補肺氣白朮以補脾氣陳皮木香以利諸氣皆所以安其中也中氣既固再有當歸連柏以涼血而生血且連柏能投附子之毒以生一源之水且制二相之火也氣血兩虛之人保無昏暈非天麻不能止故加以天麻其用甘草者不但可以補中兼可益血並和諸藥也此方氣血兩補而藥味不雜寒熱並用而於理不悖煉以為丸吞入於胃行氣於五臟輸精於經絡不俄頃亦即徹頂踵徧內外無處不到是以烟癮不起諸病不作且有沉木二香氣息芬芳藉附子以行之薰蒸於五臟之中吞至數日後若再取過火之烟吸之不獨臟氣與之并格即鼻孔聞之已嫌其臭矣補正丸即以忌酸丸之方減去黃芪木香二味不用附子且不用烟灰其餘藥味分兩均與忌酸丸方同凡戒烟者先吞忌酸丸至三五日後每日減忌酸丸一丸則以補正兩丸替之減兩丸則以四丸替之照此遞推互相加減至忌酸丸減盡再專服補正丸十日或半月後即連補正丸亦不用服而癮自斷矣此方應試歷驗具有神效緣有補中益氣之藥日減有烟之一丸以去邪癮日增補正之二丸以助正氣正氣日足邪無所容即使至重之癮果能痛自改悔照法行之不過略多數日未有不能斷絕者全身命以保餘生懍國法而免刑戮凡有血氣心知之人有不覺悟自新迷塗早返者哉所有方藥製法詳開於左

忌酸丸方

不曰戒烟丸而曰忌酸丸者蓋以既用烟灰吞服之後若與味酸之物同食則令人腸斷而死故以忌酸名方欲服之者顧名知忌耳

生洋參五錢 白朮三錢 當歸二錢 黃柏四錢 川連四錢 炙黃芪三錢 炙甘草三錢 半陳皮二錢 半柴胡二錢 半沉香二錢

木香 忌煙 天麻 三錢 升麻 一錢半

共為細末入生附子七錢米泔浸透石臼中搗如泥再入烟灰一兩攪勻入麪糊同藥為丸如小桐子大丸成後共稱重若干約計平時有煙一分者每日所服之丸須有烟灰一釐二毫為度必於飯前吞下否則不驗起初一二日或多吞些令其微有醉意則有煙亦不思食矣吞定三五日後每日減忌酸丸一九用補正丸二九頂換吞下

補正丸方 各藥分兩俱照前方

生澤參 白朮 當歸 黃柏 川連 炙甘草 陳皮 柴胡 沉香 天麻 升麻

共為細末用蜜和丸如桐子大以之頂換忌酸丸如初一減忌酸丸一九則用補正丸二九吞下至初二則減忌酸丸二九又用補正丸四九吞下餘可類推至忌酸丸減盡再服補正丸十日或半月後連補正丸亦不用服矣如應重者一劑不能盡除即多服兩劑應亦必斷

忌酸丸加減法

紅白痢加黃芩白芍 夢遺加龍骨牡蠣 諸痛加重木香元胡索 咳嗽加紫苑炙冬花炙枇杷葉去毛咳甚者加杏仁阿膠 熱痰加川貝母瓜蔓霜 寒痰加半夏南星 若覺下焦有火加黃柏知母 眼暈加丹皮白菊 小便短加猪苓淫瀉 水瀉加白茯苓車前 身體不虛者去洋參換沙參炙芪不必用如無頭暈者不用天麻氣短不足者加蛤蚧尾氣喘者加故紙併加蛤蚧尾以上或入藥或湯煎送下

附錄簡便二方

忌酸補正前後丸方極靈驗矣而配合兩劑需錢數千文彼憚於斷烟者尚有所藉口或謂一時之此整頓或謂配合費重有需時日即勸人斷烟者亦未必均肯捐資多製藥丸隨人施給雖刀圭可以救病如畏難苟安何故又附錄兩種良方皆費錢極少而為效甚捷者庶窮鄉僻壤之地無臺奴隸之微但使一念知悔皆可立刻自醫更何畏難之有嗟夫人孰不欲生若不於此求生則死於烟與死於法均之學由自作耳可不懼哉所有簡便二方附錄於後

此二方各自為用不相連屬

四物飲

赤沙糖一斤 生甘草一斤 川貝母八錢 去細鴉片灰三錢 煎重

右四物以清水十餘大碗入銅鍋煎兩三時約存三四碗愈濃愈妙將渣漉出取汁貯瓷甕內置靜室無人行處每日早起及夜卧之前各取汁一盃以開水溫服應即可斷如癮極重者取已煎之汁而重煎之十不盡煎成一盃照前再服必效

二 瓜汁飲

南瓜正在開花時連其葉與根藤一併取下用水滌淨於石臼中合而搗之取汁常服不數日夙癮盡去甫經結衣者連水搗之亦可用

謹按本草載南瓜甘溫無毒補中益氣載其藤有汁極清如誤吞生鴉片者以此治之即不死是其解毒如神故除癮亦極著效此物最易蔓生雖荒僻村野無處無之惟至冬則藤葉皆枯無汁可取其在夏秋則取之不窮並可不費錢而得凡勸人戒烟者皆宜多取此汁廣貯罇留以濟人可謂不費之惠

臣向所採輯戒烟斷癮藥方共十餘種而歷試有效者以此數種為最忌酸補正兩丸其法最正四物瓜汁兩飲其用尤便

重禁吸煙以杜弊源片

林則徐

竊思人生日用飲食所需在富侈者固不能定其進數若以食貧之人當中熟之歲大約一人有銀四五分即可過一日若一日有銀一錢則諸凡寬裕矣吸鴉片者每日除衣食外至少亦須另費銀一錢是每人每年即另費銀三十六兩以戶部歷年所奏各直省民數計之總不止於四萬萬人若一百分之中僅有一分之人吸食鴉片則一年之漏卮即不止於萬萬兩此可震數而見者況目下吸食之人又何止百分之一分乎鴻臚寺卿黃爵滋原奏所云歲漏銀數十萬兩尚係舉其極少之數而言耳內地膏脂年年如此剝喪豈堪設想而吸食者方且呼朋引類以誘人上癮為能陷溺愈深愈無忌憚傲玩心而迴顧俗是不得不嚴其法於吸食之人也或謂重辦開館興販之徒鴉片自絕不妨於吸食者稍從末減似亦持平之論而臣前議條款請將開館興販一體加重仍不敢寬吸食之條者蓋以衙門中吸食最多如幕友官親長隨書辦差役嗜鴉片者十之八九皆力能包庇販賣之人若不從此嚴起彼正欲賣烟者為之源源接濟安肯破獲以斷來路是以開館應擬絞罪律例早有明條而歷年未聞絞過一人辦過一案幾使例同虛設其為包庇可知即此時眾議之難齊亦恐未必不由乎此也吸食者果論死則開館與興販即加至斬決梟示亦不為過若徒重於彼而輕於此仍無益耳譬之人家子弟在外游蕩靡惡不為徒治引誘之人而不錮其子弟彼有恃無恐何在不敢復犯故欲令行禁止必以重治吸食為先且吸食罪名如未奉 旨飭議雖現在止科徒杖尚恐將來忽罹重刑若既議而終不行或略有加增無關生死彼吸食者皆知從此永無重法孰有戒心恐嗣

後吸食愈多則賣販之利愈厚即冒死犯法亦必有人為之是專嚴開館與販之議意在持平而樂不中病依然未效之舊方已耳諺云刑足之市無業僱傭客之旁不帶榔果無吸食更何開館與販之有哉或謂罪名重則訛詐多此論亦似殊不思輕罪亦可訛詐惟無罪乃無可訛詐與其用常法而有名無實訛詐正無了期何如執重法而雷厲風行吸食可以立斷吸食既斷訛詐者又安所施乎若恐斷不易斷則目前之繳具已是明徵若恐誅不勝誅豈一年之限期猶難盡改特視奉行者之果肯認真否耳誠使中外一心誓除此害不惑於姑息不視為具文將見人人潯慮洗心懷刑畏罪先時雖有論死之法屆期並無處死之人即使屆期竟不能無處死之人而此後所保全之人且不可勝計以視養癰貽患又孰得而孰失焉夫舜典有怙終賊刑之令周書有群飲拘殺之條古聖王正惟不樂於用法乃不能不嚴於立法法之輕重以弊之輕重為衡故曰刑罰世輕世重蓋因時制宜非得已也當鴉片未盛行之時吸食者不過害及其身故杖徒已足蔽辜迨流毒於天下則為害甚鉅法常從嚴若猶泄視之是使數十年後中原幾無可以禦敵之兵且無可以充餉之銀與思及此能無股慄失財者億兆養命之原自當為億兆惜之果皆散在內地何妨損上益下藏富於民無如漏向外洋豈宜藉寇資盜不亟為計臣才識淺陋惟自念受 恩深重備職封圻觀此利害切要關頭竊恐筆室道謀一縱即不可復挽不揣冒昧謹再憑忱附片密陳

對用刑說

管同

世皆謂今之用刑輕於古昔故民不畏而犯法者多其說曰漢高之法殺人者死傷人及盜抵罪今之律例有故殺有誤殺有下手加功之殺故殺者死而誤殺者未有或死者也下手加功者仍以致命不致命為分致命者或幸不死而不致命者未有或死者也其法如此用法者大抵避重而就輕故殺人者往往不死民見殺人者之猶可以不死也彼何憚而不殺人故不畏而犯法者多今當一效漢法直曰殺人者死可也奚用多律為是論也愚請折之今士大夫之家有器皿焉一奴故壞之一奴誤壞之一奴謀壞焉而一奴助之是數奴者主人將以一例處之乎故壞與謀壞者皆而逐之可也助而壞之其輕謀罵足矣彼誤壞者遇寬則且曰爛女手遇韓琦則戴簪無言而俾執燭如故何罪之有焉人命之重固非若器皿之輕也然其中實有故殺誤殺之分實有下手加功之異情事懸殊用法者安得以一例處之漢高之興無事草創約法三章然未幾法不足用故必命蕭何造律設使初法可行漢有天下後奉行三語足矣造律何為若是者豈徒漢為然尚書呂刑孔子錄以垂教者也其言五刑之屬至於三千古之明王豈其不樂於簡哉世故日降人情日紛不多為科條不足以盡天下之情而窮天下之變今不問其情事為何如第曰殺人者死是荒陋之說不應經典者也天下之事名實而已矣今之制法緩既死之辜重失入之

罪仁厚過乎前世要之殺人者死必有主名抵罪者是名實在也名實在則民已知懼矣何慮乎不畏之多即使幸而不死人命殊及亦必過毒刑八字獄拘禁如犬豕少者一年多者二三年然後減為徒流或竟逢赦宥雖不死而懲之者極矣如此而仍犯法非人情也謂此可以儆倖不死而樂效其犯法者尤非人情也世固有桀鵠凶悍不畏死者然如此人雖峻法豈能使其變心哉蓋經有之與其殺不辜寧失不經是自古賢聖言省刑未有或言峻法者也漢以文景為盛漏網吞舟之魚宋以仁宗為盛所用者或止於鞭撻惟商鞅治秦王猛佐符堅皆教之峻法以殺人致二秦之祚不長 國家慎重人命曠古未聞蓋古者富使酷吏者操生殺之權今雖宰相不能妄殺一人古者人命繫於刑官而已今自州縣府司督撫以內達刑部而奏請勾決焉殺一人而文書至於尺許民之感激也深天之垂佑也至社稷延長端賴於此有識之士不當於此時而議嚴刑也

修例宜慎

宋邦德

謹按律文四百五十七條歷代相因至雍正五年刪改增併定為四百三十六門律垂一定之法例則因時制宜定限五年增修一次凡歷年欽奉 上諭及議准內外臣工條奏應纂為例者並舊例內應修應刪者刑部悉心參考分為修改修併修改續纂刪除各名目開列本例之首並逐條加具按語繕冊進 呈恭候 欽定是 聖世祥刑之典莫慎於修例蓋一經修定永遠遵行開繫最大一字一言必參酌盡善寬嚴得中庶有合於欽恤之意乎

經訓

易先王以明罰勅法

書呂刑輕重諸罰有權

權一人

刑罰世輕世重

權一世

惟齊非齊

權法之有倫有要

法之有倫有要

經也

又明啓刑書胥占庶咸中正

胥占與眾

占度也

平反冤獄

宋邦德

謹按律載若犯人自行反異原招或家屬代訴稱冤審錄官即便再與推鞠若囚犯明稱冤抑不為申理者以入人罪故失論

見有尋決

又例載法司如遇一應稱冤調問及各衙門奏送人犯如有冤枉及情罪有可矜疑者即與辦理具奏發落又法司

遇有重囚

稱冤原問官員輒難辯理者許該衙門移文會同三法司堂上官辦理又凡處決人犯有臨刑時呼冤者奏 聞覆

鞠覈枉明

又犯人果有冤濫許管獄官據實申明

見獄囚

聖代欽恤之仁惟恤或有冤枉立法至為周密誠慎之也竊謂人

之含冤待雪無異溺者之待援凡遇案情重大或罪囚反招必須反覆詳究不可輕率定讞若已確得其冤情萬不可委之上官之主持同察之審定徬徨瞻顧不為辯理誠以前此之冤誤於他人之失入今日之冤即成於我之故入也忍心害理莫此

為甚

經訓

書康誥不蔽要囚服念五六日至于旬時要囚獄詞之要者也服念服膺而念之旬十日時三月為囚求生道也蔽斷也

左傳小大之獄雖不能察必以情

禮月令乃命有司申嚴百刑斬殺必當毋或枉撓枉撓不當反受其殃

請飭刑部增改條例疏

給事中 王憲成

竊惟明刑所以弼教立法貴乎持平查刑部每屆纂修條例之年增刪出入必逐條釐正務期寬嚴協中輕重得所茲當修例之時有應行參酌者謹以臣愚見所及臚陳四條伏候 聖裁

一辦理盜犯新章宜稍加區別也查舊章尋常盜劫之案分別法無可貸情有可原將法無可貸者正法情有可原者發遣此是雍正五年之例也 旨定議纂入成例歷久奉行欽惟 世宗憲皇帝剛健神武政貴嚴肅豈不念稍存寬宥近於姑息

養奸益於法外施曲貸之仁而於法中嚴必誅之律意至深也近來 輦轂重地屢有明火搶劫之案 朝廷因時制宜不得不繩以重典惟比年以來京外拏獲盜犯不分首從悉予駢誅其中豈無迫於飢寒被人誘脇者原其情節實可哀矜伏

讀歷次 諭旨用兵者分被脇從逆之犯許以自新仰見 皇太后 皇上好生之德洽於民心所以逆眾投誠渠魁授首蓋德化若是之速也伏查劫盜夥犯迫於飢寒被人誘脇並無凶惡情狀者較之被脇從逆之犯情事尤為可憫若不定以

差等概從新決似不足以昭一視同仁之意况情有可原者例應發遣亦非縱釋有罪也竊思辦理盜案其為首者固應以得財不得財為重輕為從者則應以傷人不傷人為區別除例載殺人放火等各項強盜及響馬江洋大盜老小賊俱照定

例辦理外其餘劫盜之案如得財又傷人自應照斬章從重不論首從一併斬決如得財而未傷人為首者依律斬決其為從之犯審係迫於飢寒被人誘脇在外瞭望接賊者仍照舊例分晰聲明辦理並嚴定承審官將正犯曲為開脫處分如此

稍為變通則法無可貸者不得倖逃顯戮而情有可原者亦不至概罹重誅用明益昭明慎矣

一辦理緝獲人犯尚未允協也查著名棍徒擾害歷經嚴拿重辦在案近來步軍統領衙門將素有緝獲之人俱目為棍徒率送刑部其中有情罪尚輕者刑部以其素有緝獲從重將該犯依棍徒擬軍例或並無不法重情亦比照棍徒擬減徒罪三

伏思綽號係屬三擾害必求實據如該犯為害閭閻即無綽號亦安得不謂之棍徒如無擾害實跡又豈可憑一綽號遽作重罪且綽號每出於他人之口設使刁徒與人有隙故為取一綽號即不難從而傾陷之甚至狀貌醜陋性情難揣皆可因此得名又何足為棍徒之據查例載凡凶惡棍徒屢次生事行凶無故擾害良民確有實據者發極邊遠四千里安置如並無凶惡實跡偶然挾詐逞凶者仍照所犯之罪本律本例定擬不得濫引此例等語是例文剖析甚明應請嗣後遇有綽號人犯但當問其罪犯輕重各依本律本例科斷不得因有綽號率行從重問擬庶不致稍有冤抑矣

一親老留養之條宜准例推也查例載軍犯徒犯未經發配以前告稱祖父母父母老病應侍及其母係屬孀婦守節二十年家無以次成丁者俱准存留養親或到案時非例應留養之人迫成招時其祖父母父母已成老疾兄弟子姪死亡者亦准聲請留養等語詳譯例意非以正犯之罪有可寬宥不忍其親之覯獨無依特加矜恤此蓋盛朝之贖典也臣思外遣軍流各犯非恭逢恩詔例不查辦其有發配時非例應留養之人到配後數年或十餘年其祖父母父母已成老疾其母係屬孀婦守節逾二十年家無以次成丁侍養者在該犯永遠放流原屬罪所應得獨念其親同一覯獨無依其子到配有年不得與未經發配隨案聲請之犯一體邀恩留養未免向隅擬請嗣後外遣軍流各犯犯案時非例應留養之人到配後數年或十餘年該犯之祖父母父母已成老疾其母係屬孀婦守節已二十年家無以次成丁侍養者亦照未發配時親已老疾之例准該犯之祖父母父母在本籍呈報由地方官查明核其情節准留養者取結報部行知該犯配所如並無為匪不法情事准其釋回留養似此量為推廣則我國家錫類推仁之意益覺無微不至矣

一軍流入犯到配後其年老篤疾者宜隨時查辦也查例律載年七十以上及篤疾犯流罪以下收贖又犯罪時未老疾事發時老疾者依老疾論各等語未得罪時未老疾事發時老疾者尚得以老疾收贖則發配時未老疾到配後老疾者辦理似宜畫一且徒犯在徒年限內老疾例准收贖則流犯自可類推若謂徒犯罪輕流犯罪重然流罪以下律俱准老疾收贖矣老疾未在前配以前准其收贖老疾在既發配以後即不得收贖似未足以持平可否飭下各直省督撫將軍每屆年終查辦一次除當赦所不原及在配復行為匪等犯不准收贖外如有到配年已七十或已成篤疾者一體援以老疾收贖之例准其收贖或徑行釋回則所以矜全老疾者仍不背平律義也以上四條臣為慎重刑章起見可否飭下刑部核議並於此次該部纂修條例內酌為增收

服制命案例無明文請 旨飭議專條疏

竊維刑律最明最重服制尊卑名分難例平人即如同一強盜在平人則首從皆斬在尊長則按服制科斷無死罪也同一謀殺在平人則首犯斬候加功絞候在尊長則首犯絞候為從即應遞減非死罪也同一圖財害命在平人則造意加功均予斬決不加功者斬候不行而分贓者擬軍在尊長則惟圖產爭鬩謀殺卑幼者擬斬監候為從亦應量減並未定為死罪也誠以親屬重姦不重盜即因尋常相盜殺傷仍依服制科斷例有專條不得與平人牽混本年河南秋審李金木一案該省原擬緩法刑部以罪疑惟輕議入緩經太僕寺少卿鍾佩賢奏稱與例不符奉旨飭部覆核刑部將其改入情實跡其忍心喪理誠屬法所難寬但於例意不明刑章有礙不能不詳悉具陳以免將來歧誤查李金木為李淦小功尊屬聽從李泳杜誘摘伊姪項戴銀圈因其哭喊恐事洩復聽從李泳杜致死滅口該係臨時致死與預謀害命者不同該省原擬照謀殺幼孩本例科罪實為此案正條查例載如將十歲以下幼孩逞忿謀殺者首犯擬斬立決若係圖財加以梟示從而加功之犯俱處絞立決與圖財害命罪名首從均不相同未可相提並論除起意為首同族無服之李泳杜罪應斬梟業已監故戮屍無庸議外其加功從犯李金木則係死者小功尊屬若照平人加功擬絞決則與尊長謀殺之例不符若照尊長加功之例減等擬流又其謀殺幼孩之例不合例無尊長圖財謀殺十歲以下卑幼明文惟查有功服以下尊長若使有卑幼之父兄伯叔姪姙其子女弟姪遷怒殺害者照凡人例擬斬監候又功服以下尊長殺死卑幼如係圖謀財產強盜放火殺人圖姦惡殺凡人例擬斬監候二罪相等從一科斷是以比照尊長圖謀財產例定擬實因死本幼稚比較各例從其重者所謂斷罪無正條比照他例也又因例無為從之文既不便照尊長加功減等擬流又未敢照平人加功擅擬絞候不得不照原例科斷以符秋審之時量為區別也但計繹例文既有云圖謀財產則是專言產業有非致死不能入己者並非可竊可據尋常財物也故下文有云其餘尋常親屬相盜及圖詐圖賴他人財物謀殺殺卑幼者仍依服制科斷所謂尋常相盜即指攘竊財物而言苟非圖產圖奸強盜放火殺人皆圖以尋常論又恐因盜殺傷誤作圖財害命特加謀故字樣以明之言尋常相盜雖謀殺殺者亦依服制科斷例意本為周密但未顯言耳此案李金木所犯各節當在尋常相盜謀殺卑幼之列核其為從加功應從末減原題因死係幼孩不能不比較各條從重定擬秋審因犯非造意不能不參稽各例酌量照緩若原題業已從嚴秋審又將入實不特與為首尊長無分且較加功平人聽重矣設將來遇有似此案情而造意加功均係尊長圖不能將為首之犯例外加重又不能將加功之犯再行輕減此外如有同行不加功與夫同謀不行者又將如何科擬倘或謀殺一人而有三四尊長加功勢必至以尊長數命抵卑幼一命從來無此辦法况圖財謀殺幼孩平人加功止於絞決以尊長加以實斬亦覺輕重失

宜總總格礙殊鮮遵循且原例既無不分首從之義則為從之必有區別與為從而係乎人亦必不能較尊長轉輕自非明定章程恐不足以昭法守相應請 旨飭部核議另立專條務期清法兩平以飭紀綱而資引斷

剝船盜米案酌擬變通辦法疏 光緒九年

孫毓汶

竊准刑部文稱光緒九年七月十三日議覆臣等前奏剝船盜米情重法輕請嚴定罪名一摺奉 旨依議欽此並鈔錄原奏咨行遵照前來臣等詳加參核部臣之意以為再經纂定條例礙難朝令夕改積弊所在雖嚴刑峻法未能盡除但使有犯必懲自可無虞輕縱嗣後設有全船盜賣情罪重大者由臣等遵照咸豐十年 旨奏請正法其情節稍輕之犯或於本罪上酌

加枷號或酌予監禁或親老丁單不准留養等語是於格守成法之中仍寓變通示儆之意既蒙 俞允應即遵行伏查臣等前奏原因該船戶等精猾已深黨惡漸眾照例懲辦毫無後改臣等職司倉儲若坐視其明目張膽虧短正供而不思禁止之法們心自問清夜何安故不得已為此奏非敢故從嚴刻且正為有分限追贓之例即斬絞之重完欠之後立減軍流無妨初議從嚴以冀聞風知懼並未嘗廢置追贓舊例徑請遵照咸豐十年 諭旨即予抄產入官也今部臣既酌示權宜臣等亦未

便固持已見謹將本屆盜米人犯查照部議所指輕重各條酌擬辦法縷晰覆奏恭候 命下施行查本屆各犯情節最重者

為盜米七十餘石無船逃走之尹占升益身竊多賊飄然遠遁無論弋獲無期追贓之例且同虛設且既棄船不顧其在船餘

米及一切官物均不可保此端一開壞法虧漕關係殊非淺鮮臣等公同酌議此犯雖非全船盜賣亦應如部議權宜加重以

儆將來擬請將盜米六十石以上例將煙瘴重罪之尹占升加等照一百石以上絞監候之例問擬絞監候仍自獲案之日起

按照例限追贓全完減罪如兩限完不及半入於情實完繳過半改歸緩決再限四個月不完永遠監禁全完實發極邊烟瘴

充軍嗣後遇有船戶盜米逃走之案均由臣等奏請仿照辦理且盜米三四十石之楊興榮等九犯仍照例科罪分限追贓惟

兩限不完例應發配者遵照部議酌予監禁勒追必須全數完繳再行減等發落所有軍流以下人犯均不准查辦留養至或

遇有全船盜賣情罪重大及拒捕逞兇如從前賀九一案情事應由臣等臨時酌度奏請正法以上所陳係臣等詳參部議酌

加變通雖積弊難遽挽回而較上屆辦法稍為嚴密向後能否船欠漸少運務較有起色之處統俟來年驗收新漕再當體察

情形據實具奏

情輕盜犯請 飭部申明舊例疏 光緒十年

鄭訓承

竊臣恭讀五月二十日

上諭今年秋審朝審照例辦理其情實人犯著停止勾決欽此仰見 堯仁廣被

湯網宏開國

重囚雖為法所難容者猶且矜恤寬緩歲時而臣因 恩降之頒行規 聖心之廣厚謹獻易言以備採擇伏查雍正五年九
卿遵 旨定議尋常盜劫之案分別法無可貸情有可原兩項纂入則例歷久奉行欽惟 世宗憲皇帝剛健神武政貴嚴肅
豈不念稍存寬宥近於姑息養奸益於法外施曲貸之仁即於法中嚴必誅之律誠仁之至義之盡也 列聖相承守而勿失
嗣因咸豐年間粵匪擾亂部臣改定新章引用律文強盜已行但得財者不分首從皆斬舊例遂置不用迭經臣工條奏請復
舊例仍格不行良以盜風未息伏莽堪虞不得已而姑用重典非謂舊例之必不可復也臣查舊例情有可原三項為把風接
贓誘脇上盜行劫僅止一次皆改為發遣其中最可矜憫者為誘脇上盜兇徒糾夥搶劫因恐知情之人告發裹脇同行其人
迫於威勢勉強允從追經破案一律駢誅是起意為首之盜犯與懦弱畏勢並非甘為從之盜犯衡情迥異而科罪從同臣前
官刑部每遇此等案犯明知情罪可矜而為新例所拘不能稍寬一綫未嘗不惻然傷懷撫心內疚今幸逢停勾之年 皇恩
浩蕩臣擬請 旨飭下刑部將現審盜犯及各直省奏明盜犯詳核其中情節與舊例三項相符者聲明請 旨定奪或可稍
從末減出自 皇上 特恩是部臣遵 成憲之常仍於法中守森嚴之律而 聖主擴好生之德特於法外 施覆載之仁
秋肅春溫並行不悖而 聖德如天益廣破於四海矣

請另立專條嚴辦門匪疏

光緒十二年

張之洞

竊據廣東按察使于蔭霖詳稱查粵省民情强悍每因睚眦小怨田山細故輒即不候官斷招雇外匪約期械鬥主鬥之人大
率保其族首族紳祠長之不肖者名為兩族兩鄉互鬥是則臨時雇募土匪鹽梟海盜及一種專習綫槍游手亡命之徒號召
者或數百人或千餘人附和者或數村或數十村外洋利器隨處可購是以洋砲洋槍器械刀械無一不有又復高築寨牆建
造砲臺有攻擊三五年而互鬥不已者有已經和息而挾恨復鬥者臨鬥之時高豎大旗對放巨砲若攻入彼村即恣意焚殺
搜搶所燒房屋動以數百間計所殺人口動以數十命計甚至掘毀墳墓擄掠男女拒殺兵差兇殘不法無異化外門勝之村
動輒殘殺田禾諸蔗數百畝砍伐樹林果園數千株故此數村經一次械鬥即喪失一二年或數十年之資產其隱害民生者
尤非細微此等惡習惟廣州府之番禺東莞增城新寧新會惠州府之歸善陸豐海豐博羅長寧河源潮州府之潮陽揭陽為
最他郡縣亦多有之其惠州府屬近日甚至傳聞有設卡斷路殘食人口之事殘忍絕法各省早有互鬥之村門散即止每不
據實具報而地方文武規避處分亦不免代為隱飾習以為常即或馳往彈壓捕拏該匪等悍然不理兇門如故或迎拒官長
不令入村或兵役無多不敢近前必俟其門散然後邀致鄰近紳耆從中排解責令交匪繳械於是賄買頂兇任意搪塞所繳

者皆破壞無用之械所交者皆蠢愚老疾之人不特必非為首抑且並非為從彼主謀肇釁斂錢糾眾幫門行兇者轉得逍遙法外縱使懸賞擊獲而人多聞急槍砲如雨之際究竟何人下手傷人何槍何砲之傷最重亦屬無從質証照例懲辦非止軍流毫無微畏推原其故由於粵民聚族而處祠產素豐事無大小皆聽族首族紳祠祠長號召族首等賢否不齊主門者既藉勢豪兼恃財力取公帑以恣揮霍斂眾費以供侵漁而所雇見之匪徒又足以為之羽翼但有得財之樂從無償命之苦地方官因無兵力傳旨謀則不到勒凶匪則不交官法既窮私忿益熾以故江河日下群相效尤歷年大吏及地方官明知其弊持恐操之過急激成事端得辦理不善之咎不得不將就了結民強官弱法令不行實情不敢上聞嚴辦諸多窒礙所以積弊至於此極也查從前髮逆滋事徒以養癰成患馴至不可收拾今外患甫平內訌宜靖現奉檄行文武大員分往各縣匪鄉查明新舊各案推究致鬥之由判以曲直勒交積匪審明案據立予嚴懲各就該處情形從民所便責成鄉長族長房長層層鈐制約束化導以後遇有匪徒生事責令稟報緝送以期永靖地方惟查例載廣東省約眾斂費約期械鬥仇殺人數雖多致斃彼造一命者主謀糾鬥之首犯發極邊足四千里充軍二命者實發實費兩廣極邊煙瘴充軍三命者發新疆給官兵為奴四命以上絞立決十命以上斬立決二十命以上斬決梟示其隨從下手傷重致死應行擬抵者各依本律例擬抵傷人及未傷人者亦按本律例分別治罪又廣東械鬥案內如有將宗祠田谷賄買頂凶構釁械鬥者於審明後除主謀買兇之犯嚴究定擬外查明該族祠產酌留祀田數十畝以供祭費其餘田畝及所存銀錢按族支分散若族長鄉約不能指出斂財買兇之人者族長發還鄉約杖徒各等語是下手傷重方議抵償主謀糾鬥不皆重典而為從傷人及並未傷人之犯照為從減等罪止滿流即照軍器傷人亦止擬軍詳譯例文自以鄉里尋仇尚非鉅患僅言鬥則無焚擄之流毒僅言械則無槍砲之利器僅言糾眾則無梟匪海盜之叢集僅言仇殺則無抗官拒捕之重情是以下手者仍照其毆主謀者尚多差等竊惟今昔情形實多不同變通之道因時而宜重典之刑因地而用近年廣東械鬥聯村聚眾殺害無辜焚毀搶擄抗官拒敵傷及兵差形同叛逆罪坐所由主糾者似無寬貸之理而為從之犯各項匪盜畢萃其中專以幫鬥為生不過殺人漁利並非本族本村與彼造夙有不解之仇切膚之患槍砲轟擊之際殺傷之多少亦不能自為限制下手之輕重更無從推究主名揆其兇悍情形實係真正土匪配所逃回必更報復滋害然非當互鬥之時派兵圍捕則真犯決不能擊獲主謀亦無從追究且使此鄉尋鬥殘害彼鄉未經報復之時若早發官兵將肇衅之鄉認真圍捕能將首禍幫兇勒交數名立置重典則彼鄉冤情既平自不致尋仇蔓禍保全實多伏查同治六年刑部奏定章程天津鍋匪數十人以上持械聚鬥殺傷搶掠就地正法拒捕者格殺勿論等語其所

以特從重典者為除暴方可安良況以廣東門匪數累千百械必槍砲較之天津鍋匪僅聚眾數十僅持刀械者情節尤為重大相應詳請 奏明另立專條從嚴辦理寬免州縣處分責令實地督辦以儆兇匪而遏亂萌等情前來臣等查粵省械鬥實為諸匪之首惡俗不革內患堪虞該司所陳係屬實在情形惟有據實懇陳仰懇 聖明 俯念廣東械鬥日久多情形尤慘數盜養匪實為地方治亂所關 勅部特立專條准將粵東械鬥匪犯凡糾眾數十人以上招雇匪徒施放火器殺傷人命擄奪男婦焚燒房屋搶毀資財之案其主謀者斂錢糾鬥者受雇持械幫鬥審明素行不法兇暴顯著者無論殺傷幾命是否係該匪所傷均照土匪例不分首從一律就地正法情節重者酌加梟示向來管事之該族首族紳祠長於聚鬥之前數日不行出首既鬥之後十日內不行交犯即以主謀同論至門鄉祠產雇其赴他鄉尋鬥及定地互鬥者除酌留香火資三十畝外盡數入官以為義倉社學之用雇覓無資則亂源可止其因強鄉生釁尋鬥弱鄉集眾應敵因而殺傷焚擄者但科門罪祠產免其入官若此鄉雖經受害不候官兵拏辦自行糾匪前赴他村報復殘害者不論致鬥先後一律辦理其未傷人放火擄生劫財及人數較少者暨他村尋鬥僅在本鄉自衛拒鬥致有殺傷並無殘暴情形者仍照舊例辦理各屬再有門案准其請兵圍捕務將主謀糾斂及各幫門真犯拏獲究辦抗拒者立予格殺並懇 格外天恩將從前凡有門案處所之地方官無論已報未報概免其應得處分俾免瞻顧以後州縣遇有門案據實稟報懲辦免其議處如再有諱匿粉飾致主謀門匪遠颺者一鄉釁釁尋鬥地方官不早請兵獲匪嚴辦以致釀成互鬥巨禍者均予從重發落庶足以抑強安弱漸變淳風

請懲辦南山匪徒疏

葉伯英

竊查陝省南山興漢兩府及商州所屬鳳連川隴楚豫山深林密路徑紛歧向為匪徒出沒之區歷年雖整頓團練保甲飭令地方官會營拏辦乃此拏彼竄迄未盡絕根株其平原及北山各屬又因連年墾荒各省客民紛至沓來且新疆軍務肅清各營告假遣勇往來不絕難免匪徒潛跡而南山五方雜處民情浮動尤易誘惑聚眾之多更復甲於通省查紅黑發匪名目由來已久其始不過佩帶刀械三五成群掏摸絡繹竊畫為紅發夜為黑發尚不至大為民害自軍興以來散勇游民隨處聚聚往往私立山堂口號結拜訂盟會匪之風甚熾而發匪遂有與會匪勾結者亦有既為發匪復為會匪者彼此效尤無惡不作其率難滴血傳授口訣綽號排行竟與會匪無二其公然剽奪復仇殺人倡亂謀逆亦與會匪行徑相似現查漢中與安商州各府州匪徒平日結黨連群游行無定小則絡繹去包大則剽劫傷人詐說財物姦佔婦女習以為常差役往往拏紛紛散散並有逞兇拒捕之時如同 仇仇則糾眾稱戈儼同臨敵如眾匪忤意則割筋斷掌斃以亂刀每遇集場期糾結動以百計鄉